

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

სხვადასხვა სოციალური კატეგორიის მოსახლეობის სამედიცინო დახმარება

ქვეპროგრამის კლასიფიკაციის კოდი:

060211

ქვეპროგრამის დასახელება:

უშვილობის დიაგნოსტიკა და მკურნალობა

ქვეპროგრამის განმახორციელებელი:

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

ქვეპროგრამის მთლიანი ბიუჯეტი:

დასახელება	2026 წელი
ა/რ ბიუჯეტის საკუთარი შემოსავლები	1,200,000
სულ ბიუჯეტი:	1,200,000

ქვეპროგრამის მიზანი:

დამხმარე რეპროდუქციული ტექნოლოგიების გზით უშვილო წყვილებისათვის სამედიცინო სერვისების (მათ შორის საშვილოსნოს შიდა ინსერმინაცია და ინ ვიტრო განაყოფიერება საკუთარი ბიოლოგიური მასალით) დაფინანსება.

ქვეპროგრამის აღწერა:

ქვეპროგრამით განიხილება უშვილო წყვილებისთვის დამხმარე რეპროდუქციული სამედიცინო სერვისების დაფინანსება. ქვეპროგრამით გათვალისწინებული მომსახურებით ისარგებლებენ ის წყვილები (ცოლი/ქმარი), რომლებიც არიან საქართველოს მოქალაქეები და ვაუჭერის გაცემის პერიოდისათვის ერთ-ერთი მაინც, არანაკლებ ბოლო ერთი წლის განმავლობაში, უწყვეტად არის რეგისტრირებული აჭარის ავტონომიური რესპუბლიკის ტერიტორიაზე, ხოლო მეორე ვაუჭერის გაცემის მომენტისათვის მაინც უნდა იყოს რეგისტრირებული აჭარაში.

ქვეპროგრამით გათვალისწინებული მომსახურება განხორციელდება სამედიცინო ვაუჭერის (შემდგომ-ვაუჭერი) საშუალებით. ვაუჭერის ფორმას, გაცემისა და გამოყენების წესს, ქვეპროგრამის განხორციელებასთან დაკავშირებით გასატარებელ ღონისძიებებსა და გამონაკლის შემთხვევებს, განსაზღვრავს და ამტკიცებს აჭარის ავტონომიური რესპუბლიკის ჯანმრთელობისა და სოციალური დაცვის მინისტრი შესაბამისი ინდივიდუალურ -სამართლებრივი აქტით.

ქვეპროგრამის ბენეფიციარებს წარმოადგენენ - 300 000-მდე სარეიტინგო ქულის მქონე სოციალურად დაუცველი და შშმ სტატუსის მქონე პირები, საჯარო და კერძო ზოგადსაგანმანათლებლო სკოლებში, „ზოგადი განათლების შესახებ“ საქართველოს კანონის შესაბამისად დაფუძნებული სკოლისგარეშე საღმრთო, სახელოვნებო და სასპორტო საგანმანათლებლო დაწესებულებებში, ადრეული და სკოლამდელი აღზრდისა და განათლების დაწესებულებებში (ბაგა-ბაღი), ვაუჭერის გაცემის პერიოდისათვის არანაკლებ 6 თვის ვადით უწყვეტად დასაქმებული პირები.

ქვეპროგრამის ფარგლებში სამედიცინო მომსახურება დაფინანსდება სამედიცინო დაწესებულებიდან გაცემული წინასწარი ანგარიშ-ფაქტურის მიხედვით (ფაქტური ხარჯით) სრულად, არაუმეტეს -10 000 ლარისა.

დაფინანსების საფუძველს წარმოადგენს:

- განცხადება;
- ბენეფიციარის პირადობის დამადასტურებელი მოწმობის ასლი ან სხვა დოკუმენტი, რომლითაც შესაძლებელია პირის იდენტიფიკაცია;
- ცნობა ჯანმრთელობის მდგომარეობის შესახებ - ფორმა №IV-100/ა (პაციენტის დიაგნოზი, ჩარევები და გამოკვლევები მითითებული უნდა იყოს ქვეყანაში დადგენილი კლასიფიკატორების შესაბამისად);
- სამედიცინო დაწესებულების მიერ გაცემული წინასწარი ანგარიშ-ფაქტურა;
- უნაყოფო წყვილების ქორწინების დამადასტურებელი მოწმობა;
- საჭიროებისას, ყველა სხვა დოკუმენტი ქვეპროგრამის განმახორციელებლის მოთხოვნის შესაბამისად.

ქვეპროგრამის მოცულობით არ დაფინანსდება: უშვილო წყვილისათვის დონორის სამედიცინო მომსახურებისა და ბიოლოგიური მასალის გამოყენების ხარჯები (დონორი კვერცხუჯრედი, დონორი სპერმა და დონორი ემბრიონი), ასევე არ დაფინანსდება უკვე ჩატარებული სამედიცინო მომსახურება, საზღვარგარეთ ჩატარებული სამედიცინო მომსახურება, სამედიცინო პროგრამებით გათვალისწინებული თანაგადახდა მოსარგებლის მხრიდან.

დასახელება	პროდუქტები		
	რაოდენობა	ერთ. საშ. ფასი	სულ (ლარი)
სამედიცინო მომსახურების დაფინანსება	120	10,000	1,200,000
სულ ქვეპროგრამის ბიუჯეტი			1,200,000

ქვეპროგრამის განხორციელების დროითი გეგმა

საქმიანობის აღწერა	1 კვარტალი	2 კვარტალი	3 კვარტალი	4 კვარტალი
მოქალაქეთა განცხადებების განხილვა	X	X	X	X
დაფინანსება	X	X	X	X

მომავალი წლის მოსალოდნელი შედეგი

უშვილო წყვილებისათვის სამედიცინო სერვისების (მათ შორის საშვილოსნოს შიდა ინსემინაცია და ინ ვიტრო განაყოფიერება) დაფინანსება. უშვილო ოჯახების რიცხვის შემცირება. საქართველოს მოსახლეობის დემოგრაფიული მაჩვენებლის გაუმჯობესება.

ქვეპროგრამის შუალედური შედეგის ინდიკატორები

მოსალოდნელი შედეგი	შედეგის ინდიკატორები	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
უშვილო წყვილებისათვის სამედიცინო სერვისების (მათ შორის საშვილოსნოს შიდა ინსემინაცია და ინ ვიტრო განაყოფიერება) დაფინანსება. უშვილო ოჯახების რიცხვის შემცირება. საქართველოს მოსახლეობის დემოგრაფიული მაჩვენებლის გაუმჯობესება.	ბენეფიციართა რაოდენობა (არაუმეტეს)	120	ქვეპროგრამაში მონაწილე სამედიცინო დაწესებულების მიერ წარმოდგენილი დოკუმენტაცია	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	წარმოდგენილი დოკუმენტაციის ანალიზი საბიუჯეტო წლის დასასრულს
	ბენეფიციარებისათვის ფინანსური რისკების შემცირება (ლარი)	10,000	ქვეპროგრამაში მონაწილე სამედიცინო დაწესებულების მიერ წარმოდგენილი დოკუმენტაცია	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	წარმოდგენილი დოკუმენტაციის ანალიზი საბიუჯეტო წლის დასასრულს